

Papiamento den Bon Dia

Ernesto E. Rosenstand



PENSAMENTO DI UN PENSAMENTO

Nos pensamento pa awe ta un expression Persa.

NO HABRI PORTA CU BO NO POR CERA.

Un pensamento cortico.

Ma berdad.

Nos mester pensa den consecuecianan di nos actonan.

Nos no mester actua pa loco.

Pensa bon prome cu bo actua.

Esei ta yuda bo no comete pifia.

NO HABRI PORTA CU BO NO POR CERA

EXPRESIONAN

Den tur idioma nos tin expresionnan.

Esakinan ta mara na e cultura di e pueblo.

Nos lo trece pa boso algun di nos expresionnan.

Nos expresion pa awe ta:

MACACO SA CUA PALO E TA SUBI

E ta nifica:

SA LOKE CU E POR Y LOKE CU E KIER.

CONSTRUCCIONNAN INTERESANTE

CONSTRUCCIONNAN INTERESANTE

Den tur idioma tin construccionnan interesante.

Palabranan tahaya otro nificacion.

Esaki mes ta haci e idioma mas rico.

Ata un di nan aki

NAN A BAI FO'I OTRO

Loke kier men

NAN A DIVORCIA

UNDA E FALTA...

BAN USA CORECTAMENTE NOS IDIOMA.

Den e frase aki tun un falta.

E TA MIHO PA E BAI DOCTER.

UNDA E FALTA TA?

E falta ta cometi contra uso die pronomber E na cuminsamento di e frase.

Nos no mester a us'e.

E frase corecto lo mester bira :

TA MIHO , PA E BAI DOCTER.

Ban pone mas atencion riba uso di nos idioma

CONOCE MIHO NOS CARIBE

Cultura di e indjannan den Caribe tabata hopi diferente .

Esei pasobra nos tabatin diferente tribu ta biba aki den e Cuenca di Caribe.

Aki den e islanan Caribense e no tabata di halto ei.

Nos tabatin otro sorto di indjan.

E indjannan cu a biba aki no a biba den stad.

Dor di esei nan no a laga un cultura halto atras.

Esaki compara cu esunnan cu si a biba den stadnan

E cultura di e indjannan cu a biba den Caribe no tabaa asina desaroya.

Esaki nos por ripara aki na Aruba.

Nan no a laga mucho cos atras.

Nan a laga algun artefacto ma no di e bunita ei.

Nan ta artefactonan no mucho fini.

Nan a laga tambe algun dibuho den cuebanan, y /o riba barancanan.

No di ehopi ei.

Nan ta dibuhonan hopi primitivo.

Te ainda nan no por a decifra nan.

Segun expertonan nan tin nificacion magico.

Otro diferencia grandi cu nan tin cu otro dibuho den Caribe ta cu nan ta pinta riba e baranca y/o cueba. Otro caminda e dibuhonan ta graba den e piedra.

Na otro parti di Caribe e cultura si tabata hopi halto.

No na e islanan di Antiyanan grandi y/o chikito.

Esei nos por mira na Yucatan Mexico, como e Mayanan na Honduras, Guatemala y Belice. Na e luganan aki nan a laga tempel, piramidenan atras.

Pues construccionnan imponente. Te otro siman.